

潛江縣志卷之十五

知縣事劉煥纂修

知縣事史致謨續纂

人物志 列傳

地志之志人物史之列傳屬也志其人之賢志其人之事之賢爾志與史異褒而不譏美而不刺善善長而惡惡短春秋之微旨亦風世範俗之先務也古先生之制二十五家之間采其恭敏任恤等而上之或月書其學行或歲考其道德故民之賢能衰惡吏咸與知鄉閭士

潛江縣志

卷十五

人物志

一

女之媿亦多見於史官厥後急事緩政此制遂廢而不舉潛德隱行非野史紀述則悉無見於時風日漓而俗日卑豈不重可念哉晉書常璩華陽志於一方人物丁寗反復如恐有遺雖蠻髦井臼苟有可紀皆著爲書矧薦紳者士民之望舉前言往行之可師可法以激勵來學老成不遠典型猶存詩曰高山仰止景行行止後有作者法祖之心寗不勇於希賢歟生人大節忠孝爲先貞婦高士履操芳潔咸足表表人倫大書特傳見華衮之榮不以車服爲顯庸也尙義流寓以逮方技緇黃之

傳藝成行修世有稱述別爲紀載亦所以彰彝教示節取也作人物志

列傳

賢哲克生光我邦邑列其經世者而叙述之文獻足徵紀載之體備矣顧迺曩籍漫漶家乘散佚道古者盍免闕畧之歎爰稽往牒參所見聞鄉先生言行之可傳者各有列傳其傳中或旁采名集以證傳信傳末載其子孫之顯者以昭世德溯源流皆史例也論世而類訂焉後之君子鄉有餘師矣

潛江縣志

卷十五

人物志
列傳

二

宋

畢漸

畢漸宋紹聖初狀元爲膳部員外郎出知荆南府事以文學致身剛介自立時人以其典鄉郡榮之

一統志

元

祐八年廷試進士李清臣發策主復熙豐法蘇轍廷諍幾得罪賴范純仁免及進士對策考官是元祐者最等禮部侍郎楊畏覆試悉下之拔畢漸第一遂以是年爲

紹聖元年

宋史

明初祀鄉賢

按宋乾德初陞安遠鎮爲潛江縣屬荆湖北路潛固

江陵舊地也漸守荊州卒于官墓亦在江陵界惟狀元坊畢家樓在縣治儒學東南明萬厯初燬於火今尚存其名康熙七年王侯又旦爲潛令痛前賢湮沒不彰於九年編審時易坊廂里爲畢公里使後人口畢公不休其卽與鄭公鄉蘇公隄並著之義與

明

初進忠

子灝孫珍附

初進忠少持方正里人多就之折是非洪武中以懷材抱德舉授河南衛輝府推官直公能斷嫉惡至無所容潛江縣志

卷十五

人物志
列傳

三

數規守不法事守中傷之調福建沙縣令卒於任僅足具棺殮妻子幾不能歸

灝進忠子家貧負母居能以色養宣德中以賢良方正舉授清河縣主簿冰檠之操初終不渝時人謂之孤松傲雪

珍灝子博學強記成化癸卯以尙書領解養母以孝聞時有不媿孝廉之譽以子杲進士贈爲監察御史

李宗信

李宗信洪武二十二年貢士授監察御史多所建白累

賜璽書改大理評事出知保寧府清賦均役驗丁覈實民甚賴之會銓司大計上出特旨曰朕知李宗信廉能不在考列永樂間擢交趾按察使交趾初附宗信忠義激勸吏民畏服以老乞歸賜鈔仍予半俸優養年八十卒

明史人
物考

萬曆初祀鄉賢

余克禮

余克禮洪武三十年貢士任廣西南丹衛經歷遷陝西西安府推官訟獄剖析如流人稱神明

何淮

潛江縣志

卷十五

人物志
列傳

四

何淮貢士任禮科給事中建白不避權貴憚之

李本洪章瑛

李本洪宣德元年貢士任四川成都府推官理刑獄人無冤抑年八十卒於家章瑛宣德二年丁未進士授行人遷戶部員外郎廉靜剛介之節見重於時

袁允行

袁允行字克修正統丁卯舉人任鉛山知縣吏習民安九載乞歸舟過鄱湖運大石以壓風濤次九江權關者與允行有嫌見其載重使人啟視惟大石數十片而已

無他物也慚謝而退歸田後杜門讀書蕭然若寒士正德中祀鄉賢子珣成化丙午舉于鄉爲臨桂令以清白承家聲世宰沃邑所居僅誅茅蔽風雨孫紀歲貢士封吏科給事曾孫國臣進士

張本濟

張本濟天順丁丑進士歷任鳳翔府公正清謹百度咸舉有古循良風

一統志

嚴賓

嚴賓字邦賢成化己丑進士授南城縣令清介自守人

潛江縣志

卷十五

人物志
列傳

五

莫敢犯至於臨民藹如也賓天性嚴毅取予不苟居布衣蔬食每餐止具一腐南城人有嚴豆腐之稱廣西道御史以抗疏調知盱眙縣復除太平縣卒於任俸餘不能具殮葬子謨歲貢士詔申癸酉舉人詢丙子舉人臨邑訓導

胡瓚

胡瓚成化癸卯舉人署長春延津教諭遷南京國子監博士守官居鄉以清慎稱

初杲

初杲字啟昭珍子正德辛巳進士授四川道監察御史
世宗繼統會議大禮引經抗疏同百官赴文華門哭聲
徹內上震怒廷杖幾斃後手疏劾都御史席書不當驟
轉禮部尚書愴邪側目是年冬巡視山西河東鹽法濬
渠築堰漕政大舉商民便之立祠以祀尋轉河南僉事
分巡睢陳擒滅流賊王長子洪輔等數千人遷雲南副
使撫綏懷寧民夷戴德轉雲南參政奉表入賀遂上疏
乞休歸田惟課農訓子擇邑中有才子弟延塾教之士
多所成就林下十九年卒萬曆中祀鄉賢

潛江縣志 卷十五

人物志 列傳

李崇信 子鳴附

李崇信字貞甫貢士鑿子潛邑侯朱熙洽為之傳略曰

崇信領正德己卯解宰豐縣民甚德之祀名宦 詳徐州志 歷

漢中府丞尋致仕歸閉門課子間與一二文士飲酒賦

詩足跡不履公門三十餘年有司造廬欲見之亦不可

得其律身治家剛正嚴明子孫凜不敢犯一言一動鄉

人引以為式昔萬石君一言而子孫肅王彥方居鄉而

不善者憚其李公之謂也子鳴以尚書魁楚

鳴字和載別字瑞塘崇信次子弱冠嘉靖戊午鄉魁九

上春官不第乃就西鄉令奏最入覲值子之皞魁南宮
卽掛冠西鄉之民匍匐請留則已馳歸里門矣先是鳴
赴禮部試母劉卒於家正鳴覽揆之辰嗣逢初度輒縞
素哭奠終身不稱壽觸萬厯庚子同給事歐陽柏御史
劉寅纂修縣志年八十五卒

唐邦瑞

唐邦瑞字貞白歲貢士初丞錢塘興湖陂之利擢宰北
流猺獞安之不忍犯居鄉恂恂樸茂里人無小大見者
矜躁盡消有古謹厚長者之風

萬厯舊志

潛江縣志

卷十五

人物志
列傳

七

何棟

何棟字孟吉動履有常言笑不苟嘉靖甲子登賢書後
杜門誦讀甘貧樂志未嘗干謁有司未仕卒棺衾皆友
人爲之治具焉

萬厯舊志

劉勳

劉勳字建伯號北華少負異才內行純備世廟中士大
夫崇尚正學海內稱同志者必曰北華先生嘉靖戊子
以春秋舉于鄉己丑乙南宮授裕州學正分校四川山
西鄉試擢國子監學錄遷刑部主事以親老疏乞終養

同列賦詩榮其行有人歸薄海聞之句服除補工部員外郎司節慎庫督修琉璃河橋出納鉅萬無所染遷河東運司却商人賂三厯財賄之地並以清端聞拂衣蕭然飯糲衣垢耄修不倦可謂不負所學矣晚歸安成講學復真書院年七十卒嘉靖中祀河東名宦萬厯二年祀鄉賢子垓進士仕至提學僉事塏太學生孫若金進士仕至刑部尙書俱以風節著

胡 鑰

胡鑰字衛卿知州拱明子嘉靖癸丑進士授行人擢監

潛江縣志

卷十五

人物志
列傳

八

察御史督河東齎政奏復南陽爲行鹽地風裁赫然遷廣東參議以繼母老乞終養疏旨痛切上憐而允之居鄉凜凜持清議人有善輒稱不去口士流有隱行必曰胡公豈知耶其敬憚如此萬厯中祀鄉賢

張師載

張師載字巨坤一字少渠嘉靖丙午舉人丁未進士以宰邑異等擢南吏科給事中時嚴嵩持國柄師載抗疏劾其姻戚居津要者嵩銜之出爲萊州守秘屬私人吹求瑕疵不可得嵩罷相聲譽隆起遷淮陽兵備副使超

拜都御史巡撫真定陝西轉撫浙江以病乞休賜建寶
翰樓年六十終諭祭葬祀鄉賢子志學補太學生光祿
寺監事孫邦彥太學生負性不羈破產以資豪舉常寄
興山水蟲魚片紙流傳人咸重之

邑人朱士尊曰張公師載起家丁未以劾分宜而左
遷而超拜而賜宅第而諭祭葬豈庸碌輩所能致此
異數哉萬厯舊志既略其實蹟乃孫子式微家乘無
攷予嘗過巴家洲拜公墓尋其墓表竟不可得土人
但指荒冢纍纍爲中丞墓而已吁中丞距
今會幾何時而滅沒如斯寧無三歎歎

郭嵩

子之祐孫缺附

郭嵩字叔中號少岡嘉靖壬子舉人癸丑進士授杭州

潛江縣志

卷十五

人物志
列傳

九

府推官適倭寇亂境總督胡宗憲擇嵩督餉進軍海盜
倭遁去再逼杭城守者戒扃鑰勿入郭外民民號震天
嵩曰郭內外皆吾民奈何棄之以供屠戮悉開納全活
億萬倭退擢兵科給事中奏議多譏切時政分宜相憚
其慙以風霾更置言官謫華亭丞遷安慶府推官擅政
者猶恐其大用仍擠之爲藩相以歸嵩性孝友兄鄧州
守岱病劇梟集於庭嵩爲文禳梟願以身代翼日梟斃
而岱亦立瘞至性格妖如是卒年五十四人謂嵩有隱
德年位俱弗稱也後以子之祐官贈中憲大夫

之祐字篤卿號對岡萬厯癸卯舉人歷仕陝西鞏昌府知府祐爲人敦倫睦族好善樂施予居官有聲至今鞏人猶重修其祠以祀年七十一卒子二鉉鈇俱貢士鈇字長仲一字勗緱別號六湖漁人恩貢不仕避闖賊亂移家牛埠重湖闢徑築臺扁舟往來蓮渚頗有幽人之致晚卜居郭南園池樓榭意匠所營爲邑中名勝嘗與文士巨公觴詠倡和曰漫堂雅集鈇所撰指鴻軒律古其最著云子春詠字無崖歲貢士性愿謹好學問蚤卒孫檠檠俱太學生

潛江縣志

卷十五

人物志
列傳

十

喻 曉

喻曉字子義別字望沙其先綿州人過潛江樂其土風而家焉遂籍於潛曉生而穎異早以文學著十四補邑庠弟子員嘉靖壬子舉于鄉授岷縣教諭遷海豐知縣旋以論罷歸結茅泗河之濱自號爲釣叟年七十應舉鄉賓益嗜酒狂吟日與高人俊流酬唱爲樂不與戶以外事營兆泗嶺題曰止邱自撰墓誌銘八十五卒著有歸來草堂紀年稿若干卷

初 言

初言靈壁令芳子生而能言故名言字幼嘉廉吏之後負薪自給一日忘歸覓之則手持論語一書臥儒學東廡下始知言之行藏在朱會稽間嗣補諸生嘉靖戊午鄉雋未仕卒其孝行載孝友傳中子學易嘉靖甲子舉人仕至邠州知州贈言文林郎

歐陽柏

歐陽柏字惟承號茂野嘉靖辛酉舉人隆慶戊辰進士初授義烏令時徵兵備倭柏親勾稽閱有良家子領麾幢爲鄉曲害并偷魁十三人跳之尺籍伍符者悉論如

潛江縣志

卷十五

人物志
列傳

十一

法義烏德之後二十年祀名宦柏自令拜給事中爲刑科左吏科右戶科左封事斟酌民情國體非計久遠不發策如調浙兵禁私閹論漕運團營便宜遵用不替以忤江陵意出參閩藩未幾奉表入都江陵所暱庭實纍纍柏發幣獨薄因投諸滇寄居滇未二年罷聞報卽襍被出同官不及餞獨御史大夫顧益卿馳三百里外賦松下老人歌送之已歸口不言時事身明農子孫受經當路故交無所造請儲書甚富構大業樓諷詠日勤所著有樹穀堂稿十藪筆錄年七十五卒祀鄉賢

劉 垓

劉垓字達可號肖華運同勲子隆慶辛未進士歷官僉事督學雲南精鑒拔滇士被其風教文運為之一變致仕歸里睦鄉黨善風俗益以明道為己任建同仁書院講學以掖後進鄒公元標劉公元卿皆有記置學田設義倉施義冢樂善不倦卒祀名宦鄉賢子南金恩貢士孫泌如高隱樂志曾孫效曾歲貢士歷咸寧穀城教諭以卓異擢懷寧知縣

袁國臣

潛江縣志

卷十五

人物志
列傳

十三

袁國臣字惟鄰隆慶辛未進士初授行人擢吏科給事

奉使楚藩餽金弗受楚王

諱瞻 鶴

高其介節贈額曰君正

清風建卻金亭於大別山

載漢 陽志

歷禮刑左右給事中疏

劾江陵出為徽寧兵備僉事勦巨寇劉汝國余孟心等

十寨蒙裏疏之賜遷江西副使轉山東參政致仕歸題

隨處體認天理六字草書勒石於學宮卒祀鄉賢子三

昌歲貢士任贛州府通判昱昂俱太學生孫調恩貢士

懷遠知縣向諫甲午舉人公安教諭曾孫俊龍歲貢士

郭之藩

郭之藩字价卿號培岡推官崑子隆慶庚午選貢士任武進水利武進志載藩修圩若干丈熟本邑田三萬畝並熟無錫田六萬畝視芙蓉湖德周文襄遺蹟迄今言縣佐之賢者必首之藩遷分水縣令調知永安卒于官祀名宦崇禎壬午無錫高世泰督楚學政念藩築濬之功徵其行實祀鄉賢

劉爾宇

劉爾宇字承甫負氣倜儻豐於貲好行其德為黎州目未幾棄官歸築一室于荷湖以經藝課子萬曆甲戌邑

潛江縣志 卷十五

人物志 列傳

侯朱熙洽欲覈畝設堞為潛興百世之利恒苦豪右掣肘責成分瘁甚難其任廉諸眾所推服者惟宇歎曰吾患不得黎州公公來吾事濟矣遂函采造請宇為大公正宇矢心竭力當時豪黠之欲避役者飛詭者苞苴絡繹于庭宇但笑謝之不復問亦不以相忤卒之均賦築城兩政畢舉宇之功大矣潛人德崑山朱公不忘而不知宇公正襄事之勞故特表而出之與崑山同不朽云子應釗進士仕至嘉興知府

郭之幹

郭之幹字宗卿崑次子萬厯癸酉舉人師事吳悟齋先生文行重於時初任盧氏多惠政祀名宦擢刑部郎出守慶遠府入覲請告居鄉急賑貸設立義學義田年六十三卒祀鄉賢子銖恩貢士兗州通判

劉寅 子三策附

劉寅字敬甫號直菴嘉靖甲子舉人授鉅鹿學博鉅令偶以他事出辟囚反獄越城寅督兵快踵之擒獲二十七人以權變見器於監司遷華陽縣令時松潘梗化寅贊畫軍機捷聞欽賞銀幣建昌旋叛撫軍檄寅同總鎮

潛江縣志

卷十五

人物志
列傳

古

李仁字渡瀘深入取嶺柏印另置之賊以平欽賞如前行取南山東道御史巡視京營京倉鄧屬南米船至河交兌有留難之苦上倉有搬運之艱運役賠累破家莫償寅一清積弊移白虎倉於三十里外濱潁建立南運之困至此一甦子三策補太學生仕經歷

三策字述庵任山西藩幕事繼母以孝聞出告反面之儀終身不懈性好施予里閭之無告者多待以舉火鄉黨有長者之稱年八十二卒

劉應同

劉應同字襟河萬厯癸未進士官刑部郎疏請開豁疑
滯重辟百有六人有手著昭獄錄遷漢中太守值大荒
捐俸賑饑不能給妻戴銷簪珥以繼之民歡呼載道所
蒞監司勉修故事饑民大譁監司忌之欲構陷同後知
其廉乃釋及守保寧時郡有張桓侯廟歲娶婦以巫夜
分納幣女家晨啟門視之則黃白紙牘里人大釀錢買
女合鼓吹笙帛納廟越三日出其骨里人不應則多水
火疾疫橫死者至期太守主之其太守不欲舉行則殃
先太守同至先期作表告桓侯臨事則火其廟藁懸其

潛江縣志

卷十五

人物志
列傳

五

首一郡震懾妖遂以平郡人戴德立祠以祀

邑人朱士尊曰桓侯事大意與河伯娶婦同而投巫
于河與藁懸神像則難易霄壤非膽識卓越鮮不為
福禍所動矣竊怪桓侯以千古英雄而為一妖祟所
誣侯果無知則何以廟侯知而不即肆天誅侯亦繞
指柔矣公蓋侯之功臣也惜表逸其全茲於人所傳
誦得數聯附錄有生為兄弟殺妻子曾甘心於婦人
死留香火祠春秋肯失躬于淫祀又夜午驛亭孤燭
泪千秋誰共桃園東西臺畔兩橋思百代徒傷銅雀
又無故匿民間女子入官為奴公請自讀漢律即今
斬大王身首火焚其廟臣將謹按天誅之句妖伏辜
而郡遂無娶婦之慘公之大德在豁獄誅妖厥後長
子貞吉以乙酉雋于北闈季子昌吉與孫增環璫已
卯同雋于楚闈堤歲貢學
博異人異事應有異報焉

柴恪

子一真一德附

柴恪字子舒號慎庵孝子浩四世孫十歲能屬文十一而孤就學于婦翁郭黃門嵩十七補邑諸生積學累行嶄然自樹萬厯己卯以選貢中鄉試己丑成進士除常之無錫令錫大徭獨長賦最素封之家賄吏免役中人破家者十室而九恪首釐剔更令家不千金田不百畝者不長賦民乃不困歲大旱恪走羣望而禱憂勤至誠雨隨澍秋大風偃禾恪禳之風反禾盡起吳人奇其事五載奏最遷兵部職方主事入省甫十日上以封倭使辱命欲更遣科臣廷議多同異不決上怒罪宗伯司馬

潛江縣志

卷十五

人物志
列傳

六

諸郎及給事中媢慢竄逐者十九人格與焉得添註延州尉歸而榷關謝客於城南蒔花竹構亭顏曰寤言灌園學圃角巾布衣逍遙物外年六十一卒天啟嗣服覃恩議贈恤建言註誤諸臣恪子一真時授隨州訓導疏其事遣弟一德詣闕陳情報可贈恪壘丞祀鄉賢

一真字如卿號夢庵歲貢士授隨州訓導遷穎上知縣清介自持仁明御下一行所無事尋以含射投簪惟攜琴書數篋人皆揮淚相送迄今謳思之

穎上縣志

真艱於嗣

壯年卽取其堂兄一舉之子應瑗於襁褓而子之瑗性

最孝謹江夏黃正色誌真墓曰自正色與夢庵瑗交不聞潛之人及柴之門以內有間言不聞夢庵之爲父瑗之爲子恩勤顧復之或疎承歡定省之或怠夢庵之慈瑗之孝當何如瑗之孫鏞歲貢士考授訓導

一德字吉民恪次子穎悟過人補諸生不屑屑以制菘名世博極羣書遊名山大川友天下名士尤與曹能始李太虛爲莫逆交著作甚富惜兵燹後散亡殆盡天啟初詣闕上書爲父恪昭雪誥誤事情詞忠孝愷切因得

卹典贈恪璽丞

疏載藝文志

子應參婦劉氏俱罵賊不辱死

潛江縣志

卷十五

人物志

七

事載女貞傳中德竟無後嗚呼參雖死有所以不死者亦可以嗣矣

朱宗望

朱宗望字遇甫號渭瞻弱冠試高等食廩學使霽巖陳公子魯金公連拔置諸生第一萬曆己卯乙楚榜庚辰應選貢肄業南雍受知于留臺剛峯海公司成霖寰李公與陶石簣郭明龍汪冀夔李本寧唱和著有鈎珩集行世已而還里歲大祲父侃沒甫殮巨濤撼屋棺幾欹蕩望奮躍水中抱棺號泣波臣爲之退舍遂得牽挽就

葬廬墓側手植白楊與身等草沒其頂不忍去越二年
授四川江安知縣江安祠祀而紀其德政略曰邑士夙
安於鄙公至首遷學延儒文風駸振奉命採木干霄之
材蔽江充棟而民忘其勞會播酋楊應龍反破綦江城
距江安僅數舍是時承平日久人不習鬪且大兵未集
聞應龍先聲無不潰散視江安孤城猶腐鼠耳公知應
龍兵驕無制乃密調鄉勇設伏城南谷俟酋薄城伏起
夾擊酋大北追奔三十里堅守江安以待劉綎吳廣兩
總戎督八路兵至公輿金輦餉按期給軍元逆成擒
潛江縣志

卷十五

人物志
列傳

六

督撫郭公子章上幕府功擬公關中轉粟晉四品服俸
錫以銀觥鐫太平宴鼎銘銘曰播酋搜險吠堯助桀三
宥罔悛一怒投鉞計蹙投纆是絕是忽讌喜受祉載歌
六月旋以疾乞休厥後膺子之玉封晉階奉政大夫年
八十二卒江安祀名宦崇禎四年祀鄉賢仲子之玉舉
人知府叔子之瑚歲貢士訓導孫士冲進士翰林庶常
士達進士推官士尊甲午選貢士麟歲貢訓導士鼎太
學生曾孫載震歲貢教習知縣

劉應珂

孫珏附

劉應珂字平叔號衡螺性慈孝事親色養不倦萬厯己丑成進士服官所至以愷悌著由刑部郎出守太平開河振武闢青山書院與諸士講肄其中移守嘉興獄卒列陳刑具珂愴然曰惡忍以人難忍之痛迫自誣服而快長吏意耶盡撤去之並禁丞倅以下洎屬邑毋得用忌者以此中之遂解組歸以厯仕所得祿分惠族人少長無遺訂刻朱子語錄疏聖諭以訓子弟吉水鄒忠介公稱珂勤於檢身疎於防人銳於慕古暗於涉世粹乎穆乎如金未鑿如玉未鑿其行誼可知己子達善歲貢

潛江縣志

卷十五

人物志
列傳

九

士孫珏知縣

珏字兩玉號木容歲貢士順治乙未考身言書判上等引見 賜宴 皇極門左楹授聞喜知縣尋以舊令逋累罷歸珏制行寬簡能詩愛清談篤嗜朋友於藝無所不通卒年五十一子連俊甘貧力學善屬文

李之皞

李之皞字克醅號莘堯西鄉令鳴子皞生而蚤慧復得庭授故所爲制舉業卓然名家登萬厯乙酉賢書己丑魁南宮壬辰廷試次當試於理疏言臣不幸有狗馬疾

幼鬱於聰懼負驅策請得舊業自矢報可教授宣州擢南國子監博士尋擢監丞擢南戶部主事督揚州鈔關遷郎中有蜀藩之命建昌六衛出蜀西徼阻大渡河卽漢忠武侯所渡瀘也巢獠出沒憲臣領茲寄者憚溪箐飛棧率坐邛雅間遙制以故巢獠生心皞次第按行申明賞罰壁壘改觀大帥負橐鞬郊迎巘峒蠻落率醜類伏道左皞宣朝廷威德約束之終皞之任相戒勿犯皞解組而建昌歲苦邊矣又部徵諸路糧至陪京例曝之三汰之三而後納曠日以須費用不貲皞力請於大司潛江縣志

卷十五

人物志
列傳

三

農得改輸便厥爲桑梓造百世之利卒年六十一後以子奐令無極加贈朝議大夫孫世乾風流淹雅惜四十而卒又萬厯三十二年皞篆儒學碑記見金石記

歐陽東白

歐陽東白字純之號參宇萬厯戊子舉於鄉再上春官授清河諭補江夏諭函丈講論雖劇不輟一時名賢如賀公逢聖熊公廷弼皆出其門熊公少故骯髒任氣白嘗箴之曰子爲諸生不可使人不知有子子服官不可使人知有子其知人善教如此遷宜山令宜山於粵最

僻蠻煙毒霧之區白下車焚告矢不以操切從事不誤
斃一命於杖下樹麥增餼士民歌頌官評有民戴如天
政廉若洗贈聯有四年清白有天知之句時白從弟東
鳳爲平樂太守粵人稱爲大小歐陽焉及遷守德慶州
治狀無殊宜山引疾乞休橐中無鬱林片石年六十卒
祀鄉賢賀公銘於墓石熊公表其墓碑皆道其誠正之
學孝友之行追憶三十年之德教不可忘太僕公東鳳
爲之傳曰出則爲明師爲良吏居則爲端人爲長者蓋
實錄也子燿舉人仕至兵備副使曠歲貢士仕簡州同
潛江縣志

卷十五

人物志
列傳

三

知孫壻恩貢通判坪墀俱歲貢訓導曾孫城拔貢知縣
元孫錫疇副榜拔貢

李之翺

李之翺字克升號衡峯萬厯初歲貢任永定衛訓導捐
俸修學以教多士永定之知有學自翺始及去弟子慕
之於其坐樹下立石曰甘棠所著有逸叟寄言應鄉賓
十有三壽九十卒

吳從誠

吳從誠字虛舟別號形衷才高性樸有古君子風萬厯

戊子舉人授陝州學正甲午應四川分較聘兼兩房同
考得士十有七人擢袁州推官有良士師之稱遷湖州
府丞轉兩浙運同以卓異擢處州太守處民譁於訛幾
禍地方誠曉倡亂者以禮法不逞旋戢再守潯州歷鳳
翔俱有異績著聞擢長蘆運使會覃恩得移贈祖父母
如其官人咸以爲異數遷雲南參政尋解組歸杜門泊
如食甘蔬糲衣謝華鮮有譏其矯者誠潛然曰吾少也
貧吾母無身世一日之懽而伐之年吾服食何忍過腆
誠守潯州時父卒於家誠蓬跣奔喪廬墓三載作石人
潛江縣志

卷十五

人物志
列傳

三

象已署名鐫其背曰千秋遺恨長踰墓林跪而瘞墓中
致有紫荆冬華之瑞時賢作瑞荆篇以美之又自治棺
從薄製銘於旁曰下而螻蟻上而烏鳶原以蔽醜豈以
飾觀書其首曰雲南大參吳形衷之柩恐後人以美好
者易之以傷厥心終身孺慕如誠者可以爲難矣卒年
六十有九祀鄉賢仲子袞舉人孫善滙歲貢士

劉孚

劉孚字巽寰萬厯癸酉舉人授遂寧知縣致仕後屏跡
公庭孝友之風人所矜式孚十困禮闈九應鄉賓年九

十卒孫儻舉人曾孫行翌太學生

彭鳳翀補

彭鳳翀萬曆壬午舉人歷任廣東肇慶府雲南句尋府知府清廉有政聲致仕歸囊橐蕭然不能備資斧

莫汝嘉子若玉附

莫汝嘉字從吾隆慶庚午副榜精敏好學重然諾輕施予拯鄉井之危賜遺族姻無倦色凡樹德畏人知者罔弗為也其檢身直方訓子弟以禮讓為一時儒行之宗季子若玉字石伯號釐峯生而落落不偶踰壯受知於

潛江縣志

卷十五

人物志
列傳

三

邑令陳侯夢坑未幾擾攘屋社遂棄帖括儻數椽東郊竹樹掩密怡情奕酒其樂施好善一無異於若翁晚追憶陳侯知遇特建祠祀三原孫枝蔚題詩呈莫翁釐峯者是也詩載饗祀志玉髦益嗜學暇輒與兄子與先論古得

失訂先正制義以授仲孫之翰命酒淡坐壘壘移日與先嘉之孫玉兄若智子字大岸一字旻子順治戊子拔貢辛卯以尙書魁順天授雲夢教諭登戊戌進士令高邑踰年而引疾先總州瞻盛名沈酣六籍百氏之書所為詩歌古文辭必已出奧博之聲誦服徧海內歸田奉

母曲盡孝養結茅月泚之濱蕭然環堵屢空晏如自號
顧洄老人年八十愛作蠅頭細楷手一卷不輟廉直好
修風流弘獎古萊蕪有道之流與著有南陂詩郇笈讀
史樂府今是堂集若干卷之翰字紫來號嵩皋玉孫嘉
會孫康熙己酉舉人庚戌進士授上高知縣以卓異擢
泗州知州歷刑部河南司員外禮部儀制司郎中膺才
能選遷貴西兵巡僉事翰登第之日玉猶得目擊積累
之報尤稱罕覩云